

DISSERTATIO HISTORICO-ECCLESIASTICA;  
DE  
**INSIGNIORIBVS**  
**VETERVM CHRISTI-**  
**ANORVM FORMVLIS,**



QVAM

PRÆSIDE

**Jo. ANDR. Schmidt, S. THEOL. D.**

**EJVSDEMQVE ET SS. ANTIQVITATVM**

**IN ILLVSTRI JVLIA PROFESSORE P. ET**

**ORDINARIO ET ORDINIS SVI**

**H. T. DECANO**

**D. XX. DECEMBRIS 1815**

**IN JVLEO MAJORI**


**PVBlico SOLENNIQUE ERVDITORVM**

**EXAMINI SVBMITTIT**

**AVGVSTINVS JOANNES FASCHIVS,**  
**RESPONDENS.**

---

**RECVSA M DCC XXVI.**





## Q. D. B. V.

### §. I.

**N**ihil prodest omnium rerum eruditio, nisi Dei scientia coronetur (a). Sine Christo vanum omne, quod vivimus (b). Hæc omnia sunt expendenda Christiano. Ideo *CHRISTIANVS* es, inquit Augustinus, (c) *Ecclesiam frequentas, verbum Dei audis, de lectione verbi Dei latissime commoveris, tu laudas tractantem, ego quæro facientem. CHRISTIANVS es, frequentas Ecclesiam, amas Verbum Dei, libenter audis. Ecce hoc quod propono, in eo te examina, in eo te appende, in eo ascende mentis tuæ tribunal, & consue te ante te, iudica te, & si prævum inveneris, corrige te. Esse CHRISTIANVM, grande est non videri. Nescio quando plus placent mundo, qui Christo displicent (d). Inde quales ad se exeant, Dominus attendit in servis suis.*

### §. II.

*CHRISTIANORVM* nomine latissime accepto, pro pie viventibus & iustis, & in V. T. Ecclesia, qui fuerunt fideles, *Abrahamus* & reliqui, *CHRISTIANI* vocari possunt, teste Chrysostomo de iis, qui ad *Abrahamum* usque vixerunt, ita scribente: *Quales erant? Gentiles ne? sed non permittit fides. Non erant Gentiles: non enim fuerunt infideles, Damonibus non servierunt, simulacris non fuerunt subiecti, imposturis Damonum*

A 2

restit-

(a) Hieron. de veste Sacerdotali.

(b) Idem in epitaphio Nepotiani.

(c) Augst. serm. 20. de verbis Apostoli.

(d) Hieron. ad Paulin. de instit. Monach.

(e) Augustin. Epist. CXXII. ad Victorianum.

*resisterunt. Proinde non possunt Gentiles vocari. Quid igitur erant? Judæi? sed non acceperunt Legem, non observarunt Sabbata, nec ciborum discrimina, non habuerunt circumcisiones. Si igitur Veteres neque gentiles neque Judæi fuerunt, inventum est aliud nomen, quod ipsis potest aptari. Manifestum est, eos fuisse CHRISTIANOS non nomine, sed potentia. Sed nos de illis magis solliciti, qui post Christum actu tales fuerunt, iique vel religionis CHRISTIANÆ confessores, vel martyres, vel orthodoxi Christiani quivis alii, sive in ecclesia Doctoris & Ministri officium subierint, sive auditoris. Horum nunc formulas solenniores investigare lubet, visuri annon ex istis quoque nostros quodammodo possimus emendare mores? A qua vero formula commodius quis sumeret initium? quam a seguente:*

§. III.

SVMVS CHRISTIANI.

Tempore persecutionum in processu judicio Martyrum in numero questionum præcipua erat & illa: CHRISTIANVS ES? cui respondebant simpliciter & promte: CHRISTIANVS SVM. Sic enim scribit Tertullianus (a): *vociferatur homo: CHRISTIANVS SVM, quod est, dicis, tu vis audire, quod non est. --- Hoc sum, inquit, quod quæris an sim, quid me torques inperversum? confiteor & torques, quid faceres si negarem?* Ex Justinii apologia Eusebius (b) huius rei exemplum Ptolomæi cujusdam narrat: *Oblatus Urbicio judici Ptolomæi, id unum similiter interrogatus est, utrum esset CHRISTIANVS? ille vero qui per Christi doctrinam cuncta se bona consecutum esse, intelligebat, illam celestis ac divina virtutis institutionem iterum confessus est. Cum vero Urbicius Ptolomæum ad supplicium duci iussisset, Lucius quidam, qui & ipse CHRISTIANVS erat, adeo injustam audiens sententiam, sic Urbicium allocutus est: Quid causa est, inquit, ut hominem neque adulterum, neque suprà convictum, nec homicidam, nec furem,*

*nec*

(a) in apolog. adversus gentes c. 21

(b) Hist. Eccl. L. IV. c. 17.

*nec impossibilem, nec ullius denique sceleris reum, nominis duntaxat CHRISTIANI vocabulum confitentem condemnaveris? Huiusmodi forma iudicii non convenit temporibus Imperatoris PII, nec PHILOSOPHI Caesaris filii, nec Senatui Romano. Tum Vrbicius nullo alio responso hominem dignatus, sic eum alloquitur: Tu quoque, inquit, CHRISTIANVS esse mihi videris. Cumque Lucius ita esse respondisset, iussus est itidem ad supplicium duci.*

Interdum CHRISTIANI ad varias repetitasque interrogationes nihil aliud responsi dederunt, quam CHRISTIANVS SVM. Cujus rei testimonium iterum apud *Eusebium* (c) deprehendimus in epistola Lugdunensium & Viennensium *Blandine* nimirum, in qua excrucienda tortores defecerunt, seque victos confessi, cum nullum tormenti genus, quod ipsi inferri posset, reliquum haberent, testarenturque, unicum tormenti genus ad illam enecandam suffecisse, nedum tot ac tanta tormenta, sensum omnem præsentis doloris adimebat prolatio horum verborum: CHRISTIANA SVM, & *nihil apud nos mali geritur*. Huic successit *Sanctus*, Diaconus Viennensis, qui cum & ipse supra humanum modum cuncta, quæ ab hominibus excogitari potuerunt, tormenta fortiter sustineret, sperantibus jam impiis, aliquid se indecorum atque illicitum ex eo audituros, ob nimiam vim & magnitudinem cruciatuum, tanta firmitate eis restitit, ut nec suum, nec gentis, aut civitatis, ex qua esset oriundus, nomen, nec an *servus* esset, aut *ingenuus*, prolocutus sit: Sed ad omnes interrogationes Romana lingua responderit: CHRISTIANVS SVM. Hoc sibi nomen, patriam, genus, omnia denique esse subinde profitebatur, neque aliam vocem ab eo gentiles extorquere valuerunt. *Basilius* encomio in Sanctos XL. martyres milites, de illis refert, quod quilibet illorum in medium procedens dixerit: CHRISTIANVS SVM. Bedam

(a) adhuc audiamus de Albano: *Tum iudex: cuius familia, vel generis? Albanus respondit: Quid ad Te pertinet, qua sum stirpe genitus; sed si veritatem religionis audire desideras, CHRISTIANVM jam me esse, CHRISTIANISQUE officiis vacare cognosce.* At iudex: *Nomen tuum quaro, quod sine mora mihi infinnua.* At ille: *Albanus, inquit, a parentibus vocor, & DEVM verum ac vivum, qui universa creavit, adoro & colo.* Eo forte etiam respexit Cyprianus in libro de lapsis. (b) Religiosa vox Christum locuta est, in quem se semel credidisse confessus est. -- Summus est victoria titulus, gentilium manibus apprehensum DOMINVM CONFITERI. Quemadmodum vero hæc unica sæpe vox erat, quam CHRISTIANI loquebantur, sic sufficiens gentilibus videbatur esse causa, ob quam damnarentur ad ignes, ad bestias, aliosque cruciatus. Imo non aliam nonnunquam præ se ferebat vocem decretoria sententia, & tabula martyri prælata. Cui rei ut fidem faciamus, ea adducere lubet, quæ epistola (c) Viennensium & Lugdunensium de Attalo, patria Pergameno, columna & firmamento ecclesiarum illarum refert. Cum enim per amphitheatrum circumduceretur, bestiis obijciendus, præcessit ipsum tabella, in qua latino sermone inscriptum erat: *HIC EST ATTALVS CHRISTIANVS.* Et illud in processu judiciario martyrum interdum observabatur, ut per vocem præconis delictum significaretur, ceu exemplum Polycarpi (d) nos docet. Nam Proconsul post Polycarpi confessionem misit præconem, qui in medio stadio ter pronunciavit: *POLYCARPVS SE CHRISTIANVM ESSE PROFESSVS EST.*

Quales autem ore tunc temporis se profitebantur CHRISTIANI.

(a) Hist. Eccles. Angelorum Lib. I. c. 7.

(b) p. m. 121. seq. edit. Bremensis.

(c) apud Euseb. l. c. p. 162.

(d) idem 4. 15. p. 132.

STIANI, tales etiam reapse erant, ut Doctorum Ecclesiasticorum apologiæ adversus gentes ad doctrinam vitamque CHRISTIANAM, quasi rem certam & ab uno quovis gentili-um facili experimento capiendam, jure meritoque provocaverint. Ex multis nobis placent verba Tertulliani (c): *Corpus sum-  
mus de conscientia religionis, & discipline unitate, & spei federe.  
Coimus in cœtum & congregationem, ut ad DEVM quasi manus alia  
precactionibus, ambiamus orantes. Hac vis Deo grata est. Oramus  
etiam pro Imperatoribus, pro ministris eorum & potestatibus, pro sta-  
tu seculi, pro rerum quiete, pro mora finis. Cogimur ad divinarum  
literarum commemorationem, si quid præsentium temporum qualitas  
aut præmonere cogit, aut recognoscere. Certe fidem sanctis vocibus  
pascimus, spem erigimus, fiduciam figimus, disciplinam præcepto-  
rum nihilominus inculcationibus densamus: ibidem etiam exhortati-  
ones, castigationes, & censura divina: nam & judicatur magno  
cum pondere, ut apud certos de Dei conspectu: summumque futuri  
judicii præjudicium est, si quis ita deliquerit, ut a communicatione ora-  
tionis, & conventus, & omnis sancti commercii relegatur. Præsi-  
dente probati quique seniores, honorem ipsum non pretio, sed testimo-  
nio adepti: neque enim pretio ulla res Dei constat, etiamsi quod arca  
genus est, non de ordinaria summa quasi redempta religionis congre-  
gatur: modicam unusquisque stipem mensura die, vel cum velit, & si modo  
velit, et si modo possit, apponit: nam nemo compellitur, sed sponte confert.  
Hac quasi deposita pietatis sunt: nam inde non epulis, nec potaculis,  
nec ingratis vorarimis dispensatur, sed egenis alendis humanisque,  
& pueris ac puellis re ac parentibus destitutis, jam domesticis seni-  
bus, item naufragis, & si qui in metallis & si qui in insulis, vel in  
custodiis, duntaxat ex causa Dei secta alumni, confessionis suæ sunt.  
Sed ejusmodi vel maxime dilectionis operatio notam nobis inuris pe-  
nes quosdam. Vide, inquiunt, ut invicem se diligant, ipsi enim in-  
vicem oderunt: & ut pro altero mori sint parati: ipsi enim ad oc-  
cidendum alterum paratiores erunt. Sed & quod fratres nos vo-  
eamus, non alias, opinor, insamant, quam quod apud ipsos omne  
sanguinis*

(c) Apolog. adv. gent. c. XXXIX. p. m. 47.

*sanguinis nomen de affectatione simulatum est. Fratres item etiam vestri sumus jure natura matris unius, estis vos parum homines, quia mali fratres. At quanto dignius fratres & dicuntur, & habentur, qui unum Patrem Deum agnoverunt, qui unum Spiritum biberunt sanctitatis, qui de uno utero ignorantia ejusdem ad unam lucem expaverint veritatis &c. Tales erant illi, cum sanguis CHRISTIANORVM Ecclesiæ semen esset. Sed quantum nos mutati sumus ab illis, qui CHRISTIANI titulo superbire solemus!*

#### §. IV.

**Omnia autem veteres CHRISTIANI incipiebant  
IN NOMINE DOMINI,**

in quo auspicabantur & finiebant conciones sacras. Hinc Optatus lib. VII.: *non aliquid incipit Episcopus ad populum dicere, nisi primo IN NOMINE DOMINI salutaverit. Similes sunt exitus iniitii. Omnis tractatus in Ecclesia A NOMINE DEI incipitur & ejusdem NOMINE DEI terminatur. Sic & Ambrosius: (a) IN CHRISTI NOMINE habeo offerendi mei corporis potestatem. Nisi quis dixerit, hanc potius formulam spectare ad sequentem: Patrum autem Græcorum solennis quoque in scribendo salutandi formula fuit: Ἐν κυρίῳ χαίρειν, teste Chrysostomo (b): sive edas, sive bibas, sive nubas, sive peregre proficiscaris, omnia in nomine Dei facias, hoc est ipsum adiutorem invoces: ac tum demum agenda contingas, postquam ipsum primum precatus fueris. Vis aliquid loqui? Nomen Domini prestrue, propterea & nos epistolæ nostris nomen Domini prestruimus. Vbiunque fuerit nomen Domini, ibi omnia sunt prospera: si enim Consulium nomina securitatem literis addunt, multo magis Christi nomen &c. Imo non epistolis solum, sed quibuscunque aliis scriptis præponebant veteres christiani nomen Domini. Hinc Augustinus suos de Trinitate libros ita*  
**est**

(a) ad Marcellin. L. 2. epist. 14.

(b) hom. IX. in cap. 3. epist. ad Coloss.



est orsus: *In nomine Domini susceptum opus aggredimur.* Justinianus etiam Imperator suis Institutionibus illud dedit initium: *In nomine Domini nostri Jesu Christi.* Vbi notat Francisc. Bernardin. Ferrarius, (a) quod hoc institutionum initium in omnibus manuscriptis codicibus se reperisse testetur Ludovicus Russardus ad earum proœmium: & hoc ab eo ideo addi, ut appareat, quam bene fecerint & quam periti fuerint antiquitatis ii, qui a Justiniani institutionibus initium illud sustulerint. Et Hadoindus Cenomannicæ urbis episcopus, ut est ap. Brissonium lib. VII. de formulis Romanorum testamentum suum condidit cum hoc principio: *Nos pariter veterem morem retinentes in condendis testamentis, ita incipimus: IN NOMINE DOMINI &c.* Et nunc quoque passim ea formula adhibetur:

§. V.

PAX VOBIS, VEL OMNIBVS.

Solenni hac formula non tantum CHRISTVS post resurrectionem discipulis suis optima quæque est precatus, dicendo: *εἰρήνη υἱοῖς*: sed etiam Apostoli in epistolis suis illa sunt usi, v. g. c. Rôm. I, 7. I. Cor. I, 3. II. Cor. I, 2. Ephes. I, 2. Phil. I, 1. Colofs. I; 2. I. Thesfal. I, 1. II. Thesfal. I, 2. I. Tim. I, 2. II. Tim. I, 2. Tit. I, 4. Philem. I, 3. I. Petr. I, 2. II. Petr. 2. II. Johann. 3. III. Johann. I, 5. Judæ 2. versu. Hanc consuetudinem imitatos sanctos ecclesiæ primitivæ doctores, qui in publicis conventibus sacris subinde auditoribus pacem precabantur, confirmat Chrysostomus (b) docens: *Pater ingressus non prius ascendit Cathedram, quam OMNIBVS VOBIS precatus fuerit PACEM. Et surgens non prius VOS docere incipit, quam OMNIBVS dederit PACEM. Et sacerdotes benedicturi postquam PACEM prius fuerint VOBIS precati, ita benedictionem*

B

(a) de antiquo eccl. epist. genere lib. 20. cap. 2. n. 169. p. m. 118.

(b) homilia continens, qui in primo Paschate jejunant.

*nem incipiunt. Diaconus, quando cum aliis precari jubet, etiam hoc mandat in precibus, ut angelum PACIS pietatis, & omnia propostia ad PACEM spectent. Et quando eatum dimittit, hoc ipsum VOBIS precatur, dicens: ABITE IN PACE. Et alibi hunc salutationis modum usitatisimum fuisse, ex eodem (a) constat: Cum ingressus fuerit is, qui praest ecclesia, statim dicit: PAX OMNIBVS. Quando sermonem facit, & concionatur: PAX OMNIBVS. Quando benedicit: PAX OMNIBVS. Quando jubet osculari: PAX OMNIBVS. Peracto sacrificio: PAX OMNIBVS.*

Atque hunc morem Chrysostomum ipsum in concionibus non una vice tenuisse, testatur Socrates (b) reditum ejus de exilio narrans. Obviam enim progressa multitudo vulgi, eum cum summa reverentia in ecclesiam recta deducit: orans ut in Episcopali cathedra sedere & pro more solito pacem populo apprecari velit. Cum ille recusaret diceretque id iudicum decreto fieri debere, & oportere, ut ii, a quibus condemnatus esset, mutata sententia ipsum absolverent, populus magis magisque incendebatur, eum in cathedra sedentem videre, & concionantem iterum audire, votis omnibus concupiscens. Pervicit tandem populus, ut ista fierent. JOANNES ergo in Episcopali folio residens, sicut antea consueverat, PACEM POPULO pronuntiavit: ac praeterea, necessitate compulsus sermonem habuit ad populum.

Eundem quoque loquendi modum commendat Cyrillus Alexandrinus Libr. XII. in Johannem: *salutat discipulos usitata illa forma, PAX VOBIS, legem veluti quandam constituens ecclesia filiis: Quo fit, ut in sanctis potissimum conventibus & synaxis*

(a) homilia I. in epistola ad Colossenses.

(b) Hist. Eccles. Libr. VI. c. 16. p. m. 314. addatur Sozomenus Hist. Eccles. Libr. VII. c. 18. p. m. 783.

maxibus circa ipsa mysterii initia hoc invicem dicamus. PETRVM etiam CHRYSOLOGVM, ab aurea dictione ita dictum, ipso concionum initio PACEM auditoribus solitum precari, satis fidem facit Sermo CXXXVIII. de PACE inscriptus, in quo sequentia leges: *Quid igitur est, o religiosa plebs Domini, quod vobis, quamvis pauperes, quamvis ineruditissimi, attamen decenter offerimus? PACEM sine dubio, quam DOMINVS noster IESVS CHRISTVS ingredientes nos offerre omni domui iubet: unde & nos in principio salutationis nostra PACEM VOBIS a DOMINO exorauimus.* Athanasius denique inuehitur epistola ad Eustachium, in quosdam Episcopos, qui cum initio sacrificii & sermonis blandum illud proferrent PAX VOBIS, tragedias tamen excitabant, & alios affligebant. Simili inuectiva utitur Optatus Milevitanus Libr. III. *Non potuistis, inquit, pratermittere quod legitimum est, usque dixistis: PAX VOBISCV. Quid salutar, de quo non habes? quid nominas, quod exterminasti? salutar de pace, qui non amas?*

Communis videtur ad tempus fuisse hæc formula Episcopis, presbyteris imo & lectoribus, quod vel ex illo Augustini loco (a) colligi potest: *quid autem perversius & insanius, quam lectoribus easdem epistolas legentibus dicere: PAX TECVM, & ab earum Ecclesiarum se pace separare, quibus ipsa epistola scripta sunt.* His vero, nimirum Lectoribus per Canonem IV. Concil. Carthag. III. potestas illa ademta fuit: placuit, ut Lectores populum non saluent. Ratio quæ movit Patres, ut illud mutarent, & Lectoribus potestatem, quam hactenus retinuerant, adimerent, secundum Albaspinæum hæc fuit, quod illa amplior & major esset, quam ut Lectoribus concedi eam oporteret. Et vere post illud Concilium tanti fuit, ea frui, ut eam Diaconis & Presbyteris eodem Concilio postea eripuerint; quia experientia ususque docuit, eos non posse, nec folere dicere: PAX VOBIS,

B 2

tantum-

(a) Epistol. CLXY. p. m. 155. B.

tantumque Episcopo videri omnino dignum, cui pronun-  
ciare liceat. *Optatus Milevitanus* inter præcipua Episcopo-  
rum officia & munia hanc potestatem salutandi populum  
adnumerat libro primo circa finem. Plura vide apud *Al-*  
*baspinæum* (\*) omnino sibi persuadentem, non duntaxat  
Lectorem, sed ne Episcopum quidem ullum ausum fuisse,  
neque excommunicato, neque pagano, neque catechu-  
meno dicere *PAX TIBI*, quod iis verbis ad CHRISTI  
corpus aggregari dicerentur. Et hac de causa putavit, pri-  
mis Ecclesiæ seculis, infideles, pœnitentes, & catechume-  
nos sermoni interesse non potuisse, quia Episcopus ipsum  
inchoaturus prius populum salutabat. Forte & illud huc  
referri poterit, quod *Michael Glycas* refert parte IV. ani-  
malium ex Historia Ecclesiastica Philonis, Philosophi,  
tempore scilicet persecutionum fuisse quendam ecclesia-  
sticum, qui ab Episcopo a communione fidelium segregat-  
us fuit. Accidit autem, ut ab ethnicis comprehensus pro  
testimonio fidei occisus sit, & in ipso loco templum ex-  
structum fuerit. Cumque Episcopus in eo celebrans ver-  
ba illa proferret: *PAX OMNIBUS*, e templo egrediebatur  
ille ecclesiasticus, idque pluries contigit, donec ab Epi-  
scopo absolutus, nunquam deinceps exire visus est. De  
quo tamen facto fides sit penes autorem. Sed ab hac sa-  
lutatione transimus ad similem:

## §. VI.

### DOMINVS VOBISCVM,

Salutationis hujus modum e V. T. in CHRISTI-  
ANORVM Ecclesiam pervenisse, liquet ex Ruth. c. II. 4.  
ubi Boë salutanti messorum suos: DOMINVS VOBIS-  
CVM, responderetur: HIC TECVM, hoc est, BENE-  
DICAT

(\*) not. in quosd. can. Concil. Carthag. libris observ. subjectis p. m. 409.  
seqq.

DICAT TIBI. Hac salutandi formula etiam filius Obed, Afaria Propheta missus a Deo ad Assam Regem Judæ victorem reducem usus legitur, inquit: (a) DOMINVS VOBISCVM, quia fuistis CVM EO. Et Angelus Gabriel Virgini Mariæ Θεοτόκῃ (b) dicens: DOMINVS TECVM.

Formula autem illa uti communis erat episcopis & presbyteris, ita aliquando Episcopi hac uti volebant, priorem illam PAX VOBIS frequentantes. Quo facto Concilium Bracarense I. fuit permotum, ut sequens ederet decretum canone XXI. *Placuit ut non aliter episcopi, & aliter presbyteri populum, sed uno modo saluent dicentes, DOMINVS SIT VOBISCVM, sicut in dicto libro Ruth legitur, & ut respondetur a populo: ET CVM SPIRITV TVO: sicut & ab ipsis Apostolis traditum omnis retinet Oriens (Occidens), & non sicut Priscilliani pravitatis immutavit.* Ad quem canonem notat Gasias Loaysa, Priscillianum non semel tantum, ut moris est, sed semper ab episcopis dicendum esse PAX VOBIS, contendisse.

Cum vero sacerdotes dicunt: PAX VOBIS, sive DOMINVS VOBISCVM, nos per ipsos salutat Christus, cupiens in nobis (c) mansionem facere, & nos secum in usu etiam eucharistiæ unire. Quia vero tanquam pluribus dicitur DOMINVS VOBISCVM, monente Cardinali Bona (d) decretum olim fuit, nequis celebrare præsumeret, nisi duobus saltem præsentibus & adstantibus. Sed hoc deinde antiquatum dicit, quia minister, licet sit solus, personam gerit ecclesiæ: alioquin cum quis recitat solus divinum officium, hanc salutationem prætermittere deberet, quod fie-

B. 3

ri

(a) 1. Paral. XV. 2.

(b) Luc. I. 28.

(c) Job. XIV. 23.

(d) rer. Liturgic. Libr. I. c. XIII. p. 183 seqq. & Lib. II. c. V. p. 416.

ri non potest, quemadmodum jam probavit *Petrus Damiani* in opusculo ad *Leonem* inclusum, qui hujus dubii solutionem ab eo petierat, an liceret Eremitis, cum singulares in cellis commorantur, dicere: *DOMINVS VOBISCVM*: cui lucubrationi titulum idcirco præfixit, *DOMINVS VOBISCVM*.

## §. VII.

Sacerdoti hoc modo salutanti respondet universus populus:

### ET CVM SPIRITV TVO.

Ritus hujus antiquissimi, inque vetustissimi extantis liturgii verba accepta sunt ex 2. Tim. IV. versu ultimo. Vbi Doctor gentium: *DOMINVS JESVS CHRISTVS CVM SPIRITV TVO*. Quondam universus auditorum cœtus ita sacerdoti respondebat, docente (a) Chrysostomo: *In tremendis mysteriis (eucharistia scilicet) ut Sacerdos pro plebe, ita plebs pro Sacerdote vota facit. Hac enim Verba: ET CVM SPIRITV TVO nihil aliud significant.* Et Isidorus Pelusiota (b) laudatissimæ responsionis sensum ita explicat: *illud quod a plebe respondetur: ET CVM SPIRITV TVO hanc præsupponit sententiam: Pacem quidem nobis præbes Domine, hoc est, mutuam inter nos concordiam, pacem autem nobis da, hoc est, hujusmodi tecum conjunctionem, qua nullo modo divelli possit, ut CVM SPIRITV TVO precati, quam nobis in creationis initio indidisti, a tua charitate destrabi nequeamus.* Et nihil melius inveniri ecclesiæ potuit, quod optaret sacerdoti, nisi quod sacerdos optat ecclesiæ, ut idem *DOMINVS*, qui dignatur esse cum ecclesia, dignetur etiam esse *CVM SPIRITV SACER-*

(a) Homil. XVIII. in 2. Corinth.

(b) Libr. 1. epist. CXXII.

SACERDOTIS. Priusquam vero ad alias procedamus formulas, sequentem inferemus:

§. VIII.

BENEDICTVS DEVS,

Qua Chrysostomus olim suas ad populum allocutiones exorsus fuit, cum vel adversi casus impenderent, aut premerent, vel cessisset jam maiorum metus. Sic homilia IV. ad populum Antiochenum (cujus titulus est: exhortatio ad populum de patientia & tolerantia ob impendentem videlicet prementem calamitatem) ait: *BENEDICTVS DEVS, qui dolentes animos vestros consolatus est, & vacillantes mentes confirmavit.* Homilia vero XII. ad eundem populum, depulsa jam tempestate, ita loquitur: *Cum praeteritam tempestatem, & praesentem cogito tranquillitatem, non desino dicere: BENEDICTVS DEVS, qui facit omnia &c.* Dicamus igitur continue: *BENEDICTVS DEVS, qui & solitam nobis dedit cum fiducia vobis mensam apponere, & vobis praeiit secure nostros audire sermones.* *BENEDICTVS DEVS, quoniam non amplius &c.* Et homilia XIII. *Ab eodem principio, & iisdem proæmiis, quibus veri & nudius tertius capi, & hodie incipiam, dicam & nunc: BENEDICTVS DEVS!* Homilia XX. *A verbo, a quo semper in periculorum tempore apud caritatem vestram exordiri consueveram, ab eodem, inquam, & hodie apud vos sermonem incipiam, & dicam Vobiscum: BENEDICTVS DEVS.* Formulam hanc a Jobo se accepisse fatetur in homilia post suum prioris exilii reditum: quid dicam? quid loquar? *BENEDICTVS DEVS!* Hunc egrediens dixi sermonem, hunc iteravi revertens, & illic constitutus hunc in oreolvebam. Puto vos meminisse, cum ante hac beatum Job adduxissem in medium, dicentem: *SIT NOMEN DOMINI BENEDICTVM.* Hanc vobis historiam dereliqui, hanc gratiarum actiones iterabo regressus: *SIT NOMEN DOMINI BENEDICTVM IN SECVLA.* — — —

BENE-

--- BENEDICTVS DEVS, *qui concessit exire*: BENEDICTVS DEVS, *qui redire precepit*: BENEDICTVS DEVS, *qui permisit biennem*: BENEDICTVS DEVS, *qui dissolvit biennem, & fecit tranquillitatem. Hac dico, admonens vos, ut semper BENEDICATIS.*

Hodie vero hæc formula est antiphona BENEDITIONIS, a qua apud Græcos officia suum initium ducunt. Hinc typicum S. Sabæ. cap. I. καὶ συναχθέντων τῶν ἀδελφῶν ἐν τῇ ἐκκλησίᾳ ἀρχῆται ὁ ἱερεὺς λεγὼν. Εὐλογητὸς ὁ Θεὸς ἡμῶν, ἐπειτα ἀρχῆται ὁ Ἐκκλησιαάρχης, Δεῦτε, προσκυνήσωμεν. *Quando fratres convenerunt in templo, incipit Sacerdos, dicens: BENEDICTVS DEVS NOSTER: Dein incipit Ecclesia Præpositus: Venite, adoremus. Ex eo etiam dicitur Sacerdos Εὐλογητὸν ποιῶν, cum a benedictione officium Ecclesiasticum ἀνθίσταται. Preces autem ipsa benedictionales appellabantur Εὐλογητάρια, de quibus vid. Jacob. Goar (a) Carol. du Fresne (b) & Joh. Casp. Svicerus (c).*

## §. IX.

### SVRSVM CORDA.

Hac formula Sacerdos post osculum sanctum ad eucharistiam paravit fratrum mentes, clamando: SVRSVM CORDA, ut, dum respondet plebs: HABEMVS AD DOMINVM, moneatur, nihil aliud se quam DOMINVM cogitare oportere.

Ad hanc jam olim Cyprianus (d) provocavit: *Cogitatio omnis secularis & carnalis abscedat, nequicquam tunc animus, quam*

(a) in Euchologio, sive rituali Græcorum p. 525. seqq. & p. 541.

(b) in glossar. med. & infim. græc. p. 447.

(c) in thesaur. Ecclesiast. p. 1247.

(d) in sermon. de oratione Dominica.



quam id solum cogitet, quod precatur. Ideo & Sacerdos ante orationem, præfatione præmissa, parat fratrum mentes, dicendo: *SVRSVM CORDA!* ut, dum respondet plebs: *HABEMVS AD DOMINVM*, nihil aliud se, quam *DOMINVM* cogitare debere. Sic Cyrillus Hierosolymitanus, Catech. V. Myſtagogica hac de re eleganter, clamat, inquit, sacerdos: *SVRSVM CORDA*. Vere enim circa illam maxime tremendam horam *SVRSVM AD DEVM CORDA* levare necesse est, & non deorsum ad terram terrenaque negotia deprimere. Et Augustinus (a): quod inter sacra mysteria *COR HABERE SVRSVM* iubemur, ipso adjuvante id valemus, quo iubente admonemur: & ideo sequitur, ut de hoc tanto bono *SVRSVM LEVATI CORDIS*, non nobis gloriam quasi nostrarum virium tribuamus, sed Domino Deo nostro gratias agamus. Hoc enim continuo commonemur, quia *HOC DIGNVM EST, HOC IVSTVM EST* recordari. Idem alibi (b) Quod in Sacramento fidelium dicitur, ut *SVRSVM CORDA HABEAMVS AD DOMINVM*, munus est Domini. De quo munere ipsi Domino Deo nostro gratias agere a Sacerdote post hanc vocem, quibus hoc dicitur, admonentur, & *DIGNVM ET IVSTVM* esse respondent. Et Media Epistola LVII. ad Dardanum: Hoc Sacramentum longe est a cordibus sapientium superborum. Nosti autem, in quo sacrificio dicatur: *GRATIAS AGAMVS DOMINO DEO NOSTRO*: a cuius sacrificii humilitate longe abest typhus & cothurnus illorum. De Spiritu & Litera cap. XI. In ipso verissimo & singulari sacrificio, *DOMINO DEO NOSTRO AGERE GRATIAS* admonemur. Ad præfationem hanc alludere Paschasius videtur suo de Sacramento Eucharistiæ libro c. XXI. Ita enim disserit: Si volumus Sacramenta cum Christo percipere, *SVRSVM* in canaculum vite *ASCENDAMVS*. *ASCENDAMVS* autem *SVRSVM*, quia, qui deorsum jacent, non musta cum CHRISTO, sed fel draconum infelicitet, cum Juda, ut sint in felle amaritudinis, bibunt. Hinc

C quoque

(a) Libr. de bono Viduitatis, cap. XVI.  
 (b) Libr. de bono Perseverantiæ, cap. XIII.

quoque Paulus (a) ait: *Qua SVRSVM sunt, capite, non qua super terram. Non enim alicubi hic calix novi Testamenti, quam SVRSVM accipitur.*

Nullus autem sic consistat, ut ore quidem dicat: HABEMVS AD DOMINVM, mente vero circa vitæ hujus curas vegetur. In hanc igitur sententiam omnibus præcipit sacerdos, curas scilicet hujus vitæ omnes, & domesticas sollicitudines illa hora relinquere, & COR IN COELO habere APVD DEVM, generis humani amatorem.

Deinde dicit sacerdos: GRATIAS AGAMVS DEO, quod nos adeo indignos ad tantam gratiam vocavit. His respondemus: DIGNVM ET IVSTVM EST. *Gratias enim Deo agentes DIGNVM profecto ET IVSTVM opus facimus, dicentes: SANCTVS SANCTVS SANCTVS DOMINVS DEVS ZEBAOth.* Traditum autem hunc Seraphicum hymnum recitamus, ut in illa cœlesti hymnodia cum mundano nihil communicemus.

## §. X.

Populum jamjam communicaturum ita olim alloqui solebat sacerdos:

### SANCTA SANCTIS,

*Tὰ ἅγια τοῖς ἁγίοις*, respiciens Pauli (b) præceptum: *Probet autem se ipsum homo, & sic de pane illo edat, & de calice bibat: qui enim manducat & bibit indigne, judicium sibi manducat & bibit.* Eleganter formulam illam illustravit Chrysostomus (c) quem audire lubet: *Vox illa in nostras aures incur-*  
*rens,*

(a) Coloss. III, 2.

(b) I. Corinth. XI. 28. 29.

(c) Homil. XVII. in epist. ad Hebr.

*rens, alios quidem repellit & ejicit, alios autem introducit & sistit: Nam quando dicit: SANCTA SANCTIS, hoc dicit: Si quis non sanctus, non comedat. Non solum inquit, a peccatis purus, sed etiam SANCTVS. SANCTVM enim non facit solum liberatio a peccatis, sed etiam præsentia spiritus & bonorum operum abundantia. Non solum, inquit, volo vos a cæno esse liberatos, sed albos esse & speciosos. Conjungi potest Cyrillus loco citato: SANCTA sunt in altari proposita, qua Spiritus S. sanctificationem susceperunt: sancti quoque vos estis, ut qui sancto Spiritu donati estis, atque ita SANCTA SANCTIS conveniunt.*

Interdum Diaconus specialem populo inculcabat formulam:

NE QVIS CONTRA ALIQVEM,  
NE QVIS IN SIMVLATIONE,

teste libro II. Constitutionum Apostolicarum. Generalem illam formulam hodie etiam apud Græcos sacerdos dicit, uti videre est in Euchologio. (a) Referente Cardinali Bona (b), quæstio perplexa superioribus annis de qualitate SANCTITATIS illius fuit excitata, quemadmodum testantur plures, qui circumferuntur, libelli partium potius, illo iudice, quam veritatis indagandæ studio conscripti. Sacerdotes autem populus respondebat. VNVS SANCTVS, VNVS DOMINVS, JESVS CHRISTVS: quia nullus a se ipso sanctificationem obtinet, neque ipsa humane virtutis est opus: sed ex ipso omnes, & per ipsum ea donantur, dicente Cabaſila.

In iisdem sacris & sequens formula adhibebatur:

(a) in missa Chrysostomi p. 81.

(b) cer. liturg. Libr. 2. c. 17. p. 841.

§. XI.

ITE, MISSA EST.

MISSA nihil aliud est, quam dimissio, ἄφαισις (a), quam vocem Græcis olim in dimittenda concione fuisse usitatam, ex Plutarcho, & aliis scriptoribus, viris eruditus est compertum. Sic in judiciis Romanorum, cum præco clamabat: I LICET, iudicibus abeundi facta potestas intelligebatur. Sed in Græcorum concionibus una fuit duntaxat MISSIO, cum, finita concione, præconis voce clamabatur: λαὸν ἀφαισις, hoc est POPVLORVM DIMISSIO. In liturgia veteris christianorum duplex fuit ἄφαισις; MISSIO, five MISSA. Prior, cum finitis lectionibus, S. Scripturæ & precibus illis, quibus poterant interesse catechumeni, energumeni, & alii non initiati, voce diaconi jubebantur exire, quibus sacram liturgiam spectare fas non erat: *si quis est catechumenus, exeat foras*: vel ut dicit Gregorius (b): *si quis non communicat, det locum*. Posterior, cum sacris peractis, & eucharistica celebratione finita, post εὐχὴν ἀπολυτικὴν, a diacono pronunciatam, populo discedendi fiebat potestas: quod in liturgia Chrysostomi (c) intelligitur illis verbis: ὁ ἱερεὺς ποιεῖ ἀπόλυσιν, sacerdos facit MISSAM, hoc est, DIMITTIT populum. ἀπόλυσιν est ἄφαισις, MISSA vel MISSIO, sumtum verbum e Simonis (d) cantico: νῦν ἀπολύεις τὸν δῆλόν σου δεσπότην, quæ ibidem recitantur. In plebrique Protestantium ecclesiis tota actio celebrationis sacræ cœnæ Domini clauditur hoc hymno, quem flexis genibus populus concinit, quod est pulcherrimum & sanctiss.

(a) Bona rer. liturg. Libr. 1. c. 1. p. 2. seq.

(b) Libr. 2. dialog. c. 23.

(c) in eucholog. p. m. 63, & 16.

(d) Luc. II. 29.

sanctissimum institutum; (a) etiam in ecclesia HEELSTADIENSI hucusque laudabili more usitatum. Prior dicebatur MISSA catechumenorum, posterior MISSA fidelium. De illa Augustinus (b): *Ecco post sermonem fit MISSA catechumenis, manebunt fideles, venietur ad locum orationis.* De hac vero Florus Magister, & Remigius Antifiodorensis, in fine expositionis MISSÆ: *MISSA nihil aliud intelligitur, quam DIMISSIO, id est, absolutio, quam celebratis omnibus tunc Diaconus esse pronunciat, cum populus a solenni observatione dimittitur.* Vtrobique certe ad monitum Chrysostomi in homilia de ecclesia non contemnenda: *Ingressus es in ecclesiam o homo, ne exear, nisi dimittaris.*

Cur vero certis diebus, omiſſa dimiſſione per verba, *ITE, MISSA EST*, dixerit Diaconus: *BENEDICAMVS DOMINO*, hanc rationem affert Micrologus cap. 46. *Congrue in festiuis diebus ITE, MISSA EST dicitur, quia tunc conventus generalis celebrari solet, qui per huiusmodi denunciationem licentiam discedendi accipere solet. At quotidiana, aut MISSARVM solennia non generaliter ab omnibus, sed a religiosis conveniuntur, qui plus spiritualibus negotiis, quam secularibus invigilant, qui & reliqua, dum licet, officia frequentant. Ergo convenienter illis post MISSAM, non ut statim discedant, sed ut DOMINVM BENEDICANT, denunciatur. Huic assertioni & ecclesiastica consuetudo videtur adſtipulari: quia cum *ITE, MISSA EST* dicimus, ad populum vertimur, quem discedere iubemus: Cum autem *BENEDICAMVS DOMINO* dicimus, non ad populum, sed ad altare, id est ad Dominum vertimur, nosque ipsos non ad discedendum, sed ad *BENEDICENDVM DOMINO* adhortamur. Sciendum tamen, quod *ITE, MISSA EST* infra adventum Domini &*

C 3

*septua-*

(a) vide Casaubon. exercit. XVI. ad A. E. Baronii, num. 82. p. m. 55. Conf. etiam Claudium de Sainctes Lutetiz Theologum in præfatione ad Liturgias SS. Patrum.

(b) Serm. CCXXXVII. de tempore.

*septuagesimam non recitetur, non quasi eo tempore nullus fiat conventus, qui sit dimittendus, sed potius quod tristitia temporis insinuanda.* Sed Bona (a) recte notavit Micrologum, quod hæc apposite satis non dicat. Probandum quippe prius illi fuisset, quod olim quotidianis MISSARVM solempniis populus non interfuerit. Ipse potius credit, hinc omissem dimissionem, cum fideles MISSA peracta non statim abibant, sed permanebant in ecclesia, donec recitatis canonicis precibus, & statione soluta abire fas erat.

Id quoque notat Bona (b), Græcos pristinum morem adhuc retinere, & quamvis in eorum ecclesiis nulli sint catechumeni, nulli poenitentes, in singulis tamen liturgiis solemni formula diaconus ait (c): *quotquot estis catechumeni, recedite. Nequis catechumenus superstet, quicumque fideles in pace Dominum oremus.* Sive (d): *Nullus catechumenus, nullus eorum, qui nondum initiati sunt, nullus eorum, qui nobiscum orare non possunt, intersit. Recognoscite vos invicem. Fores observate. Omnes resti.* Quod vero idem addit, distinctionem expressam in liturgia catechumenorum, & fidelium apud Græcos non reperiri, tametsi semper eadem fuerit actio MISSÆ apud illos, & apud Latinos, nondum video, quid sibi velit, cum si non in liturgia Jacobi, ad quam provocat, tamen in Chrysostomi missa (e) habeantur ea, quæ catechumenos concernunt quoad dimissionem & orationem illorum, quam demum excipit MISSA fidelium. Cui unum a Jacobo Goar (f) notatum addam, quod, per ἀπόλυσις officii cujuscunque ecclesiastici finis, quo populi conventus solvitur ac dimit-

(a) l. c. libr. 2. cap. 20. p. 903.

(b) l. c. libr. 1. c. 16. p. 231. seqq.

(c) Secundum Chrysostomi missam, ex edit. Claud. de Saintes, p. m. 56.

(d) ex missa Jacobi, ut vulgo salatur, ibid. p. 9.

(e) l. c. p. 56. & in euchologio, p. 70.

(f) not. in Eucholog. p. 121.

dimittitur, indicari soleat. Hinc voces illæ cujuslibet officii calci appositæ: γίνεται ἀπὸ λούσις, DIMISSIO FIT PO-  
PVLI. Imo non tantum officii completo fini, verum &  
parti ejus prolixiori signanter ab altera diversæ suam ἀπό-  
λουσις & terminum assignarunt, & tunc nihil aliud denotat,  
quam finem imponere negotio certa aliqua oratione.

### §. XII.

Liceat nobis a populi missione ad hymnos transitum  
facere, & inter hos ad illum:

### GLORIA PATRI, ET FILIO, ET SPIRITVI SANCTO.

Qui hæc ab antiquis Patribus hymnus glorificationis  
salutabatur. Autorem ejus facit Nicæphorus (a) Flavia-  
num, Monachum Antiochenum, alii vero a Synodo Nicæ-  
na institutum asserunt, quod Baronio (b) tamen ex eo mi-  
nus probabile videtur, quia Synodus uniformem omnibus  
ecclesiis regulam præscripsisset, cui nihilominus diversarum  
ecclesiarum consuetudines repugnare videntur, observante  
Cassiano (c). Verustiore igitur esse hanc formulam com-  
muniter putant, & ad ipsam Apostolorum ætatem referen-  
dam. Cum enim fideles ab initio ecclesiæ in nomine PA-  
TRIS, FILII, ET SPIRITVS SANCTI baptizati essent,  
ipsis tribus personis hunc hymnum glorificationis canere  
didicerunt. Primus qui eum mutavit, Aetius fuisse dici-  
tur, Ecclesiæ Antiochenæ Diaconus, Arianismi instaura-  
tor, sic cani instituens: GLORIA PATRI PER FILIVM  
IN SPIRITV SANCTO. Quæ formula & si sanum habe-

re

(a) H. E. lib. 9. c. 24.

(b) ad ann. 325. num. 173.

(c) Instit. Lib. 1. c. 8.

re possit sensum, tamen ab Arianis adhibita fuit, ut illius ambigua locutione suam impietatem eo melius celare possent. Cum Basilius, Cæsareæ Cappadociæ Episcopus iisdem verbis sermonem ad populum conclusisset, Catholicis displicuit, ut pro illorum defensione librum apologeticum (a) de Spiritu Sancto ad Amphilochem Iconii Episcopum scribere necessum habuerit. In huius capite primo scriptiois suæ causam exposuit sequentibus verbis: *Nuper orante me ad populum, & utroque modo glorificationem absolvente DEO ac PATRI, interdum cum FILIO ipse, & cum SPIRITU SANCTO: interdum PER FILIUM IN SPIRITU SANCTO: alii quidam ex his, qui tum aderant, in nos irruerunt, dicentes nos non modo peregrinis, ac novis usos vocibus, verum etiam inter se pugnantibus: tum tu precipue nimirum consulens illorum utilitati, aut si prorsus ipsi essent insanabiles, tamen propter eorum, qui eos adire solent, securitatem, postulasti quandam dilucidam doctrinam de vi harum syllabarum evulgari. Ex quo loco simul patet, clausulam concionis fuisse hanc formulam a multis adhibitam (b).*

Additamentum vero: SICUT ERAT IN PRINCIPIO &c. Baronius l. c. a Nicænis Patribus ad excludendam Arianorum astutiam fuisse adjectum vult. Idem constare voluit ex Concilio Vafensi, quod paulo post Nicænam synodum celebratum est, sedente tunc temporis Nestorio Viennensi Episcopo, qui eidem concilio interfuit, in quo hæc reperiuntur expressa. *Et quia non solum in sede Apostolica, sed etiam per totum Orientem, & totam Africam, vel Italiam propter hæreticorum astutiam, quæ DEI FILIUM non semper cum PATRE fuisse; sed a tempore capisse blasphemant, in omnibus*

(a) quæ habetur Tom. II. Operum. p. m. 295. seqq.

(b) loca plura vide ap. Bernardin. Ferrar. de ritu SS. concionum Libr. 1. c. 31. p. m. 151. seqq.



*bus clausulis post GLORIA PATRI ET FILIO, ET SPIRITUI  
SANCTO, SICUT ERAT IN PRINCIPIO ET NUNC ET SEM-  
PER, ET IN SECVLA SECVLORVM AMEN: dicitur, etiam &  
nos in universis ecclesiis nostris hoc ita dicendum esse decer-  
nimus.*

### §. XIII.

Ab hymno glorificationis progredimur ad supplica-  
tionis formulam

#### KYRIE ELEISON.

De prima cantus alterni origine dissentiunt ipsi sacri histo-  
rici antiquissimi. Ita Socrates (a) a S. Ignatio, Episcopo  
Antiocheno in ecclesiam introductam fuisse, ostensa ei cœ-  
litus angelorum visione, qui hymnos alter ad alterum san-  
ctissimæ Trinitati concinebant, tradit. Sic & Theodoretum  
hymni hujus institutionem ad Flavianum & Theodorum, qui  
sub Constantii auspiciis Antiochiæ floruerunt, retulisse, ma-  
nifestum est. Hoc autem de psalmis Davidicis, non de  
quocunque alterno cantu absolute intelligendum venit.  
Rerum Liturgicarum alii tam veteres, quam recentiores  
scriptores Gregorium M. formulæ hujus autorem procla-  
mant, nescientes, multis ante Gregorium annis usitatam fuisse  
hanc in E. R. consuetudinem, quod ex Concilii II. Vasa-  
tensis, anno P. C. DXXIX. celebrati canone V. colligen-  
dum est, qui ita sonat: *Et quia tam in sede Apostolica, quam  
etiam per totas Orientis atque Italia provincias dulcis & nimis sa-  
lubris consuetudo intromissa est, ut KYRIE ELEISON frequen-  
tius cum grandi effectu ac compunctione dicatur, placuit nobis,  
ut in omnibus ecclesiis nostris ista consuetudo sancta, & ad maturi-  
num, & ad missas, & ad vesperam Deo propitiante, intromittatur*  
(b). Et Gregorii Pontificis de eo (c) verba hæc sunt: KYRIE

D

ELEI-

(a) Libr. VI. c. 8. p. m. 33. D.

(b) Caranz summa. conc. p. 147.

(c) Libr. VII. epist. 64.

ELEISON nos neque olim diximus, neque dicimus, sicut a Græcis dicitur: quia in Græcis simul omnes dicunt, apud nos autem (Latinos) a Clericis dicitur, & a populo respondetur, quod apud Græcos minime. In Ecclesiam introductum esse hunc ritum a Sylvestro, renovatum postea a Gregorio M. ait Dominicus Macer (a). Diu autem ante jam viguisse illam formulam, vel Augustinus (b) testari potest: Si minime licet Patris, & Filii & Spiritus S. unam substantiam lingua exeri Græca, ergo nec Deum laudari decet, & barbara. Sicut enim græca lingua, quod est homusson, una dicitur, vel creditur a fidelibus Trinitatis omnino substantia, sic una rogatur, ut misereatur, a cunctis Latinis & barbaris, unius Dei natura, ut a laudibus unius nec ipsa lingua barbara sit, ut Latinis aliena. Latine enim dicitur, DOMINE MISERERE. Sola ergo hac misericordia ab ipso uno Deo Patre & Filio & Spiritu S. lingua debet vel hebræa vel græca, & ipsa postremum postulari latina, non autem & barbara. Si enim licet dicere non solum barbara lingua, sed etiam Romanis si quod interpretatur DOMINE MISERERE, cur non liceret &c. Imo omni tempore in usu fuit generi humano, si miseriae suas, quibus undique cinctum est, pensitaverit, ad unum illum opitulatorem, & misericordiarum Patrem hac voce recurrere: DOMINE MISERERE. Arrianus (c) tanquam ad rem notam provocat, scribens: Deum invocantes cum precamur KYRIE ELEISON.

Specialis hujus formulæ usus est in liturgiis Græcorum, & aliis divinis officiis, quemadmodum & apud Latinos in missis atque liturgiis. Non tamen, ut multæ aliæ ceremoniæ, in omnibus ecclesiis occidentalibus simul introducta fuit illa vox, cum de ecclesia Anglicana domo-

(a) in hierolexico p. 341.

(b) epist. ad Pascentium, quæ altercatio est, 171. p. m. 164. lit. k.

(c) Libr. 2. diff. Epicteti, cap. 7. p. m. 186.

domestici referant scriptores, KYRIE ELEISON cœpisse anno nostræ salutis millesimo, quando Dunstanus Episcopus missam celebraturus, somno sopitus, & in extasi raptus. audivit Angelos sanctissimæ Triadi has eadem preces canere, quod nunc distinctius inquirendum & excutiendum non suscipimus. Peculiare est illud, quod notatum legimus apud Balsamonem (4). christianos in principio numerandi solitos fuisse KYRIE ELEISON. proferre: *Et quod agrestes frequentius dicunt in unaquaque fere mensura KYRIE ELEISON.* Factum hoc Macer loco citato illustrat ex antiquo gentilium more & christianorum hodierno. Solebant enim gentiles aliqua verba superstitiose pronuntiare, quando infundebant in doliis vinum; mensuras nempe numerando, in principio numeri non dicebant *unum*, sed *multa*, referente Varrone de lingua Latina Libr. IV. fortasse *multa fortuna bona* implorantes; quare christiani, ut gentilium vitiis pie se opponerent, illam maluerunt adhibere formulam. Nostra ætate christiani numerando ad trigessimum numerum pervenientes, solent pronuntiare verba IN NOMINE DOMINI, sive: IN BONVM, quod in detestationem triginta denariorum Judæ introductum fuisse autumat Menochius.

Cur vero supplicationis hujus formula plerumque in Græca potius, non a Latinis lingua latina, & a Germanis germana &c. canatur & dicatur? nonnulli eam dant rationem, quod precum & cantionum ecclesiasticarum institutores, istas adhibuerint, & eorum successores in ecclesia retinuerint, forte ut ostenderent, unam esse ecclesiam, quæ ex Græcis & aliis constat populis. Ex re tamen ecclesiæ esset, vocem istam, prout in qui-

D 2

bust-

(4) in Canon. 62. Synod. Trull.

busdam cantionibus & locis jam factum, ubivis in notio-  
rem transferre, ut plebs rudis absurde illam sæpe profe-  
rens sciret, quænam vel cantaret, vel oraret. Vel sal-  
tim crebras oratorum sacrorum informationes requirimus,  
ut auditores semel informati postea domesticos suos de-  
nuo erudire possint.

§. XIV.

Excipiat supplicationem laudis formula.

HALLELVJA.

De prima hujus origine variant historici. Epi-  
phanius (a) Haggæum prophetam primum fuisse scribit,  
qui ALLELVJA illic (Babylone) cecinit, cum novi  
templi structuram viderit: quod nos interpretari possu-  
mus LAVDAMVS DOMINVM VIVVM. Sed  
ex psalmis constat, primum ea usum fuisse Davidem,  
Israëuitarum Regem, Spiritu Dei actum. Suffragia nobis  
addit Cassiodorus: *Hoc verbi decus a præsentis psalmo (CIII)*  
*fecit initium, nec ante a quoquam reperitur positum &c.* A  
Davide ecclesia Judaica vocem hanc accipiens eam sæpe  
adhibuit, ita ut Drusus ex Paulo Burgenſi notaverit,  
fuisse in illa quoque HALLELVJA MAGNVVM,  
sequentibus constans psalmis CXII, CXIV usque ad  
CXVIII. quem hymnum Judæi canant post comestum  
agnum paschalem, & de eo agi Matth. XXVI. 30. Extrat  
etiam in libro Tobie c. XIII. nec alibi legitur in uni-  
verso V. T. semel etiam in tota N. T. librorum serie,  
nempe Apocal. c. XIX. 1. dum Joannes Evangelista re-  
fert,

(a) Vel potius auctor de vita & morte Prophetarum inter opera Epi-  
phania c. 20.

fert, se videlicet audivisse in cœlo Angelos psallentes ALLELVJA; ut ita quibusdam videatur, canticum hoc e cœlis in ecclesiam descendisse. Postea in ecclesia semper illa obtinuit, ita, ut Augustinus (a) dicat, esse antiquam traditionem ecclesiæ: HALLELVJA, quod nobis cantare certo tempore solenniter moris est, secundum ecclesiæ antiquam traditionem. Hanc tamen vocem peculiarem fuisse ecclesiæ Hierosolymitanæ, & ab ea Romam translatam tempore Damasi, scribit Gregorius (b). Quod quidem Baronius (c) ita explicandum judicat, ut caneretur etiam extra tempus paschale, cum jam ante hujus vocis usus Romæ fuerit perantiquus.

Vocis autem hujus, ex scriptura sacra notissimæ, interpretatione prolixa non opus est. Breviter expressa significat LAVDATE DOMINVM, teste Augustino. Laudes nostra ALLELVJA sunt. Quid autem est ALLELVJA? verbum est Ebraum. ALLELVJA laudate Dominum, ALLELVJA laudate Deum. Canamus & invicem nos excitemus ad laudandum Deum, nec non corde melius, quam cithara dicimus, laudes Deo canamus ALLELVJA, & cum cantaverimus, propter infirmitatem recedimus, ut corpora reficiamus. Ebraicæ literaturæ minus periti vocis hujus ridiculas dedere interpretationes, quas inter sunt illæ Germani in Theoria ecclesiastica (d) Dicunt enim AL est venit, Apparuit: EL vero Deus: VJA, laudate & hymnis celebrate Deum viventem. Aliter: AL est Pater, EL Filius, VJA, Spiritus S. item: ALLELVJA, Deus fortis, laus Dei. Vel: ALLELVJA,

D 3

præco

(a) in Psalm. CVL p. m. 272. C.

(b) Libr. 2. epist. 61.

(c) Baron. ann. 334. num. 28.

(d) apud de la Cerda, adv. S. cap. 98. num. 10. p. 190. & Swicerum l. c. T. 1. p. 194.

*præco Evangelii clamans, DOMINVS VENIT. Conveni-  
entior Hefychii mens est: LAVS EI, QUI DEVS EST,  
LAUDATE DOMINVM. Placuit vero ecclesiis, vocem he-  
braicam retinere, uti græcas retinuit. Isidorus Hispalen-  
sis putat (a), id factum fuisse ob ipsam vocis dignitatem,  
& sanctitatem: *Quæ duo verba, inquit, AMEN & ALLE-  
LVJA nec Græcis nec Latinis, nec barbaris licet in suam lin-  
guam omnino transferre: vel alia lingua annunciare. Nam  
quævis interpretari possint; propter sanctiorem tamen auctori-  
tatem servata est ab apostolis in iis propria lingua antiquitas.*  
Tanto enim sacra sunt nomina, ut etiam Joannes in Apocalypsi  
referat, se spiritum revelante vidisse & audivisse vocem celestis ex-  
ercitus, tanquam vocem aquarum multarum & conituum vali-  
dorum, dicentium: AMEN & ALLELVJA: ac per hoc sic oportet  
in terris utrumque dici, sicut in cælo resonans.*

Varius autem ejus usus erat. Sic (1) ALLELVJA  
docebantur olim infantes, confirmante Hieronymo  
(b): Audieras Paula nimirum Paulam neptem in cunis &  
crepitaculis balbusiente lingua ALLELVJA cantare, aviaque &  
amisa nomina dimidiatis verbis frangere. (2) Aratores canta-  
bant, teste (c) eodem: In Christi vlla tota rusticitas est.  
Extra psalmos silentium est. Quocumque te verteris, arator  
sivam tenens ALLELVJA decantat. Sudans messor psalmis se  
avocat, & curva attondens vites falce vinitor, aliquid Davidi-  
cum canit. Hæc sunt in hac provincia carmina: hæc (ut vulgo  
dicitur) amatorie cantiones. (3) A nautis quoque apud ve-  
teres ALLELVJA cantari solitum, celeusmatis loco sci-  
mus ex Sidonio (d).

Cur-

(a) Origin. Libr. 6. cap. de officiis p. m. 147.

(b) in epitaph. Paulæ. Tom. I. fol. m. 86. B.

(c) ad Marcellam, quam invitat ad rus Bethlehemiticum l. c. p. m. 19. A.

(d) epist. 10. Libr. 2.

Curvorum hinc chorus helciariorum,  
 Responentibus ALLELVJA ripis,  
 Ad Christum vocat aulicum celeuma.

(4) Canebant in funeribus, vid. Hieronymus (a) *Jam fama volans tanti prænuncia luctus totius orbis populum ad exequias congregabat. Sonabant psalmi, & aurata tellus templorum reboans in sublime quatiebat ALLELVJA*: Vbi Erasmus in scholiis: *annotandum est, ALLELVJA cani solitum in funere Christianorum, velut a gratulantibus, quod evolassent ad superos. Licet postea diversum quid in missa pro defunctis observatum fuerit, ut testatur Amalarius (b): missa pro mortuis in hoc differt a consueta missa, quod sine GLORIA & ALLELVJA & pacis osculo celebratur: GLORIA & ALLELVJA suavitatem & laetitiam nostris mentibus inculcant.* (5) Canebant illud certis diebus in ecclesia. Vnde Augustinus (c): *ALLELVJA nobis cantare certo tempore moris est, secundum ecclesia antiquam traditionem. Neque enim & hoc sine sacramento certis diebus cantamus ALLELVJA. Certis quidem diebus id cantamus, sed omni die cogitamus. Sic enim hoc verbo significatur laus Dei, & si non in ore carnis, certe in ore cordis. Hi autem certi dies in omnibus ecclesiis non erant iidem, quod iterum ex Augustino (d) discimus. Ut autem ALLELVJA per illos solos dies quinquaginta in ecclesia canteatur, non usque quaque observatur. Nam & in aliis diebus varie cantatur alibi atque alibi, ipsis autem diebus ubique. Univerfa autem christianorum ecclesia hodiernum toto anno psallit ALLELVJA, exceptis IX. septimanis, quibus id intermittere ab antiquitate pia accepit, a septuagesima nempe, usque ad Pascha. Quare vero IX. prædictis hebdomatibus & aliis temporibus*

(a) in epitaph. Fabiolæ l. c. p. m. 91. D.

(b) de ecclesiast. offic. Lib. 3. c. 44.

(c) Psalm. CVI. Tom. VIII. p. m. 171. C.

(d) Epist. CXIX. c. 17. p. m. 119. B.

temporibus omittatur, varias causas a rerum Liturgicarum scriptoribus adductasprehendimus, quas nunc enumerare nostrum non est. Vide Antonium Bellotte, Presbyterum Canonicum, S. T. D. & Cathedralis ecclesiæ Decanum (a); & de aliis, quæ hanc formulam concernunt, Cardinalem Bona (b). Id unicum tacere nequeo, quod Sozomenus memorat Alexandriæ accidisse in Serapio templo & vetustate & amplitudine nobilissimo, ad Imperatoris mandatum mox diruendo. Erat in eo Olympius quidam, qui in habitu philosophico cum paganis degens, suadebat, haudquaquam negligenda esse sacra, sed pro illis, si res ita postularet, mortem quoque subeundam. *Hic, sicut a quibusdam accepi, scribit Sozomenus, (c) non multo ante nosse intempesta, quæ illum diem, quo hæc facta sunt, præcessit, quandam in serapio ALLELUIA canentem audivit. Et quoniam foribus clausis, cunctisque quiescentibus, neminem conspiciebat, sed solum audiebat vocem, psalmum illum modulantem, intellexit, quid sibi velis hoc signum. Et omnibus inficiis templo egressus est, cumque navigium forte nactus esset, in Italiam trajecit.*

## §. XV.

Prioris formulæ quasi echo est

### DEO GRATIAS.

Hæc laudandi methodus observata est tempore persecutionum a veteribus, teste Augustino: *quæ virtus in faminis? qualis est gratia? quæ cum se infundit, nullum indignum judicat sexum. GRATIAS gratia Dei, reparavit enim sexum muliebrem.* Et sic (1) usurpabatur pro constantia Martyrum. (2) Vere-

(a) in observatione ad ritus eccles. Laudanens. rediuvos p. 404. seqq.

(b) l. c. Libr. 1. cap. 6. p. 654. seqq.

(c) H. E. VII. 15. p. m. 725.



(2) Veteribus usitata erat hæc consuetudo in administratione Eucharistiæ, ubi ante orationem, præstatione præmissa, sacerdos dicebat: GRATIAS agamus DOMINO, quod nos adeo indignos ad tantum gratiam, ad tanta mysteria vocavit. DEO enim GRATIAS agentes dignum & iustum opus facimus (a). Totius quoque actionis sacræ finis imponebatur *gratiarum actione*, quod vel ex illo Augustini loco (b) colligi potest: *quibus peractis, & participato tanto sacramento, gratiarum actio cuncta concludit.* (3) pro diligenti auscultatione verbi divini, docente eodem (c): GRATIAS DOMINO DEO nostro. *adjuvit nos & in vobis, & in nobis. Nunc video vos & attentione audigendi, & celeritate intelligendi non solum percepisse dictum, sed pravolasse dicturum.* GRATIAS DOMINO. (4) Quando aliquis ex pagano christianus factus, teste (d) Augustino: *Nescio enim quis ex pagano factus christianus. Intendite, ecce tenebra erant, quando paganus erat, modo jam christianus factus est. DEO GRATIAS omnes gratulantur. Mutatus est, DEO GRATIAS. Omnes gratulantur christiani. Quare? quia jam adorator Patris, & Filii, & Spiritus S. etiam detestator demoniorum & idolorum est.* (5) Post recuperatam denique valetudinem, confirmante Augustino (e): *meque gaudente, & apud me GRATIAS DEO agente, ingreditur etiam ipse. -- Procedimus ad populum, plena erat ecclesia, personabat vocibus gaudiorum, DEO GRATIAS & nemine tacente, hinc atque inde clamantium.* (6) Pro adversis, teste Hieronymo: GRATIAS DEO, quod dignus sim, quem mundus oderit. B. Sagittarium peculiarem meditatam fuisse differentiationem de hac Christianorum formula, ex catalogo scriptorum

D

(a) Vid. Iustinus M. apol. 2. & Cyrillus loco supra citato.

(b) epist. LIX. p. m. 62. K.

(c) Serm. LXIII. in Evangel. secundum Joh.

(d) Tract. 1. in Joh. Epist.

(e) de C. D. Libr. 23. c. 8.

ptorum B. Viri didici. Utinam illam orbi erudito relinquere potuisset!

§. XVI.

Detestandi formula sit

ANATHEMA.

Anathema dicitur ab ἀνάθημα, quod in columna suspendatur, & appendatur, quo etiam tendit Socrates H. E. VII. 34. p. 275. Vox hæc ab autoribus nunc in malam, nunc in bonam partem sumitur, prout vocem ἀνάθημα vel ἀνάθημα confundunt, vel distinguunt, de quo videatur *Salmasius* (a) & ex eo *Caspar Barlaeus* (b) atque *Spicerus* (c). Placet nobis Chrysostomi (d) locus, discrimen utriusque vocis pluribus inculcans: Si quis non amat Dominum nostrum. Iesum Christum, Anathema sit, hoc est, ab omnium commercio segegetur, alienus ab omnibus sit. Nam quemadmodum Anathema donumque id, quod DEO oblatum dedicatur, nemo est, qui temere manibus contingere audeat, vel ad illud propius accedere: Sic etiam eum, qui ab Ecclesia separatur, ab omnibus abscondens, & quasi longissime abdurens, hoc nomine a contrario scilicet appellat, magno cum terrore omnibus interminatus, ab eo ut separentur, ac pedem referant. Donario enim honoris gratia appropinquare nemo audebat: ab eo autem, qui ab ecclesia abscissus erat, ex opposita omnes sententia separabantur. Quapropter separatio quidem tum hæc, tum illa ex quo a vulgo abalienatio erat: separationis enim modus non unus, sed illi contrarius. Ab illo enim abstinebant, tanquam Deo dicato, ab hoc, tanquam ab ecclesia abscisso. ἀνάθημα ergo Chrysostomo

(a) in Solin. p. 1089. seqq.

(b) epist. 170. P. I. p. 384. seqq.

(c) E. c. p. 108. seqq.

(d) Hom. 16. epist. ad Roman.

stomo id est, quod Deo consecratur, & a quo quis propter reverentiam abstinet: ἀνάθεμα vero, quod a Deo & ab ecclesia alienatur, & a quo quis propter communionis periculum recedit. Verbum Anathema Hieronymus (a) proprie Judaeorum esse dicit, & possum tam in Jesu Nave, quam in Numeris: Quando omnia, quae erant in Hiericho & Medianitarum desolationi & anathemati habenda Dominus imperavit. Id quod ita intelligimus, a Judæis vocabulum huic respondens in certis casibus fuisse adhibitum, nimirum Num. c. 21. vers. 3. חֲרָמָה & Josuæ VI. vers. 17. חֲרָמָה. A Judæis acceptum verbum apostolus introduxit in ecclesiam (b). Qui Dominum Jesum Christum non amat, jubet esse anathema mabaram motha. Et alibi (c): Sed licet nos aut angelus de calo evangelizet vobis praterquam quod evangelizavimus vobis; ANATHEMA sit. Sicut praximus & nunc iterum dico: Siquis vobis evangelizaverit prater id, quod accepistis: ANATHEMA sit. Hunc morem imitata est sequentium temporum Ecclesia, dum in generalibus synodis: hæreticorum sententias anathemate ferit, imo dum unusquisque sententiam exquisitus a concilii præside eam dixit arque formula solenni anathema confirmavit, prout ex inspectione plurimorum Conciliorum cuiusvis facile constabit. Non duntaxat autem in conventibus publicis hac formula usi fuere veteres, sed & in privatis fidelium colloctionibus novatores doctrinæ evangelicæ eadem ab illis notabantur, teste Tertulliano (d): at tu, si fides vigilat, ibidem Scorpio pro solea anathema inlidito, & relinquito in suo sopore morientem. Et alibi (e): dum quoque ex parte anathema audiamus, qui alteri annunciamus. Successu temporis quando codicillos atque testamenta firmare

D 2

volu-

(a) comment. L. 1. in epist. ad Gal. c. 1. p. m. 80. G.

(b) 1. Cor. XVI. v. 22.

(c) ad Gal. c. 1. v. 8. & 9.

(d) in Scorpiaco adv. Gnostic. c. 1. p. m. 192. G.

(e) L. de jejunio adv. Physicos c. 1. p. m. 692. F.

voluerunt Imperatores atque Principes, ne quid post hac alienum ab eorum voluntate fieret, expresse *Anathema* addiderunt, teste B. Sagittario (a), qui ex traditionibus Fuldensibus hæc citat: *Si quis — contra hanc epistolam donationis nostræ venire tentaverit, aut eam infringere conatus fuerit, iram divinæ Majestatis incurrat & divinam ultionem supra se recipiat. — Hæc qui irrita fecerit, anathema sit. — Ipsam Dei omnipotentis pœnam incurrat, & ab omni loco sanctorum excommunicatus appareat.*

### §. XVII.

Formularum clausula fit. AMEN. Carolus du Fresnoy (b) de hac voce ita disserit:

*Verum, vere, fiat, AMEN* tria denotat ista,  
Si *verum*, nomen, adverbium sit tibi *vere*,  
*Amen Amen vere*, duo sunt adverbia vere,  
*Amen pro Fiat*, tibi verbum deficiens est.

Sic *Amen* nota est (1) confirmandi, rem aliquam vere & certo adesse, aut futuram. Inde (c) omnes promissiones Dei dicuntur esse *Nai* & *amen* in Christo. (2) testificandi assensum suum tam in re aliqua confirmanda, quam optanda (d). Vocis autem hujus usus est varius. Sic (1) formula hæc Judæis pariter ac veteribus confirmandi vim habebat. vid. Franckensteini (e) qui potissimum

(a) Antiquit. Duc. Thuring. p. 317.

(b) in Glossar. Lat. p. 166.

(c) 2. Cor. I. 20.

(d) Deuter. XXVII. ubi *Amen* undecies reperitur.

(e) in epist. ad Philemon. observ. VII.

mum de triplici Judæorum Amen differuit. (2) Amen  
 respondebant communicantes, cum eis præberetur sacra-  
 mentum eucharistiæ. In primitiva enim ecclesia hæc ob-  
 tinuit consuetudo, ut ministro, cum distribueret S. Cœ-  
 nam, pronuncianti benedictionem, s. gratiarum actionem,  
 ille, qui benedictum accipiebat panem & poculum, re-  
 sponderet AMEN. Testis itidem hujus est Cyrillus Hie-  
 rosol. (a) scribens: *Accipe corpus Christi, dicens simul, AMEN.*  
*Et de poculo; deinde, postquam participaveris corpus Christi, ac-  
 cede etiam ad poculum sanguinis, dicens: AMEN. Et porro, Epî-  
 scopus quidam dei oblationem, dicens: corpus Christi; qui vero acci-  
 pit, dicat: AMEN. Diaconus autem deponat: sanguis Christi,  
 poculum vite: & qui bibis, dicat: AMEN. Et Ambrosius (b)  
 dicit: Jam in spiritu confiteris, quod accipiens corpus Christi,  
 dicit tibi sacerdos: Corpus Christi, & tu dicis: AMEN, hoc est  
 verum, quod confitetur lingua, tenet affectus.* (3) Christiani  
 veteres obsignabant voce hac AMEN preces partim pu-  
 blicas, partim privatas. De privatis videas exemplum Po-  
 lycarpi martyrii adeuntis: ἀνάπεψαντος δὲ αὐτοῦ τὸ λῆψιν,  
 καὶ πληρώσαντος τὴν προσευχὴν, οἱ τὰ πρὸς ἀνθρώποις ἐξῆσαν τὸ  
 πῦρ, h. e. Cum AMEN clara voce insonuisset, precatio-  
 nemque complexer, ministri, quibus accedendi ignis com-  
 missa erat cura, rogam accendunt. Textus loquitur de  
 Polycarpo martyre. Vbi H. Valesius: *Verbum ἀνάπεψαν-  
 τος hoc mihi indicare videtur, ipsam quidem orationem tacite  
 ac submissa voce a Polycarpo, pronuntiatam fuisse; AMEN  
 vero edita voce prolatum.* Itaque recte Rufinus vertit: *&  
 cum AMEN insonuisset.* De publicis loquitur Augustinus:  
*numquid, ubi audieris Sacerdotem Dei ad altare populum ad-  
 hortantem, ut Deum orandum, vel ipsum clara voce oran-  
 tem, ut incredulas gentes ad fidem suam venire compellat, non  
 respon-*

(a) Catech. V. Mystag. p. 275.

(b) de Sacram. L. IV. c. 4.

respondebis AMEN? Referatur huc etiam locus Iustini (a): a precibus finitis mutuis nos invicem osculis salutamus. Deinde ei, qui patribus praest, offertur panis & poculum aqua atque vini. Quibus ille acceptis laudem & gloriam rerum universalium Patri per nomen Filii & Spiritus S. offert, & eucharistiam, s. gratiarum actionem pro eo, quod nos donis suis hisce dignatus sit, prolixè exequitur. Atque ubi ille preces & gratiarum actiones absolvit, populus adest, omnis fausta approbatione acclamat dicens: AMEN. AMEN autem voce Ebraea FIAT significant. Et in sequentibus: Consursumus communiter omnes, & preces profundimus: & sicuti retulimus, precibus peractis panis offertur, & vinum & aqua: & praepositis iidem, quantum pro virili sua potest, preces & gratiarum actiones fundit, & populus fauste acclamat, dicens: AMEN. Eadem voce obsignabant (4) olim epistolas, quas formatas vocabant, docente Ferrario. (b) Quod factum fuisse putat ob eam rationem, ut ea voce, quasi certo signo ac nota vere ac fideliter juxta constitutam ac praescriptam a Nicenis Patribus formam exaratas fuisse hujusmodi literas demonstrarent. Eam enim esse vocis hujus significationem, testatur aperte ex Aquila, Symmacho & Theodotione D. Hieronymus (c). Idque exemplo Apostolorum factum fuisse facile crediderim, quod ex eorum epistola hac una semper terminatione concludantur; & affirmat D. Paulus (d) voces hasce, GRATIA & AMEN veram ac germanam fuisse epistolarum suarum notam, quam deinde mutuati sunt alii in ecclesia Doctores. Ingeniosum vero id mihi videtur, quod Abbas Joachimus, magnum temporis sui nomen (e) obfer-

(a) Apl. 1. p. m. 97. D.

(b) de antiquo genere Epist. Ecclesiast. c. V. p. m. 21. seqq.

(c) in suis ad c. VI. Matth. Commentar. & ad c. ult. epist. D. Pauli ad Galat. & ad c. 14. in I. Corinth.

(d) 1. Thessal. III.

(e) in cap. I. Apocalyp.

observat: semper Deum in principio periodi incipere hac voce AMEN, ut e variis scripturæ locis constat; nos vero mortales semper in fine pronunciare, quia autor veritatis, imo ipsa veritas Deus est, nos autem veritatis perdissequi ac discipuli sumus. Sicut nos hac formula labori nostro finem imponimus non ex instituto, sed strictim duntaxat insigniores quasdam Christianorum veterum formulas ex antiquitatum fontibus erutas, sistere meditati dicentes:

GLORIA PATRI & FILIO & SPIRITUI SANCTO,  
 QVOD ERAT IN PRINCIPIO, EX NVNC &  
 SEMPER ATQVE IN SECVLA.



